

По благословению  
митрополита Ханты-Мансийского и Бүргүтского  
Павла  
Ханты-Мансийская епархия  
Миссионерский отдел

**«СВЕТЛОЕ ХРИСТОВО  
ВОСКРЕСЕНИЕ»**

**Чинопоследование Полунощницы,  
Пасхальной Заутрени и Пасхальной  
Обедницы**

**для чтения мирянами  
в отсутствии священника**

Ханты-Мансийск

## ПОЛУНОЩНИЦА

**Чтец:** Молітвами святых отец наших, Господи Иисусе Христе, Боже наш, помилуй нас.

Святый Боже, Святый Крепкий, Святый Безсмертный, помилуй нас.

(Трижды, и три поклона)

Слава Отцу, и Сыну, и Святому Духу, и ныне и присно, и во веки веков. Аминь.

Пресвятая Троице, помилуй нас: Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. (Трижды)

Слава Отцу, и Сыну, и Святому Духу, и ныне и присно, и во веки веков. Аминь.

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

[Яко Твое есть Царство и сила и слава во веки. Аминь. (Мф. 6: 9-13)]

Господи, помилуй. (12 раз)

Слава Отцу, и Сыну, и Святому Духу, и ныне и присно, и во веки веков. Аминь.

Приидите, поклонимся Цареву нашему Богу.

Приидите, поклонимся Христу, Цареву нашему, Богу.

Приидите, поклонимся и припадем Самому Христу, Цареву и Богу нашему.

### Псалом 50

Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омый мя от беззакония моего, и от греха моего очисти мя; яко беззаконие мое аз знаю, и грех мой предо мною есть вина. Тебе единому согреших, и лукавое пред Тобою сотворих; яко да оправдишися во словесах Твоих, и победиши, внегда судити Ти. Се бо в беззакониих зачат есмь, и во гресех роди мя мати моя. Се бо истину возлюбил еси, безвестная и тайная премудрости Твоея явил ми еси. Окропиши мя иссопом, и очищуся; омыеши мя, и паче снега убелюся. Слуху моему даси радость и веселие; возрадуются кости смиренныя. Отврати лице Твое от грех моих, и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего, и Духа Твоего Святого не отыми от мене. Воздаждь ми радость спасения Твоего, и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего; возрадуется язык мой правде Твоей. Господи, устне мои отверзеши, и уста моя возвестят хвалу Твою. Яко аще бы восхотел еси жертвы, дал бых убо: всесожжения не благоволиши. Жертва Богу дух сокрушен; сердце сокрушенно и смиренно Бог не унижит. Ублажи, Господи, благоволением Твоим Сиона, и да созиждутся стены

Иерусали́мския. Тогда́ благоволи́ши жёртву правды, возноше́ние и всесожега́емая; тогда́ возложáт на олта́рь Твой тельцы́.

## КАНО́Н, ГЛАС 6

### Песнь 1

**Хор: Ирмо́с:** Волно́ю морско́ю Скрывшаго дрéвле гонителя́ мучителя́, под землёю скры́ша спасённых о́троцы: но мы́ я́ко отрокови́цы Го́сподеви по́йм, сла́вно бо просла́вился.

**Припе́в:** Сла́ва Тебе́, Бо́же наш, сла́ва Тебе́.

**Чтец:** Го́споди Бо́же мой, исхо́дное пение́, и надгробную́ Тебе́ песнь воспою́, погребёнием Твои́м жи́зни моея́ вхо́ды отве́рзшему, и сме́ртию смерть и ад умертви́вшему.

**Припе́в:** Сла́ва Тебе́, Бо́же наш, сла́ва Тебе́.

Го́ре Тя на престо́ле, и до́ле во грóбе, премíрная и подзёмная помышля́ющая, Спа́се мой, зы́бляхуся умерщвлéнием Твои́м: па́че ума́ бо, ви́ден был еси́ мертв. Живона́чальниче.

**Сла́ва Отцу́, и Сы́ну, и Свято́му Ду́ху, и ны́не и прísно, и во ве́ки веко́в. Ами́нь.**

Да Твоея́ сла́вы вся испо́лниши, сшел еси́ в ни́жняя земли́: от Тебе́ бо не скры́ся соста́в мой и́же во Ада́ме, и погребён истле́вша мя обновля́еши, Человеколю́бче.

**Хор: Катава́сия:** Волно́ю морско́ю Скрывшаго дрéвле гонителя́ мучителя́, под землёю скры́ша спасённых о́троцы: но мы́ я́ко отрокови́цы Го́сподеви по́йм, сла́вно бо просла́вился.

### Песнь 3

**Хор: Ирмо́с:** Тебе́, на водах Повеси́вшаго всю зéмлю неоде́ржи́мо, тварь ви́девши на Лóбнем ви́сима, у́жасом мно́гим содрога́шеся, несть Свят, разве Тебе́, Го́споди, вызы́ающи.

**Припе́в:** Сла́ва Тебе́, Бо́же наш, сла́ва Тебе́.

**Чтец:** О́бразы погребёния Твоего́ показа́л еси́, видéния умно́жив: ны́не же сокро́венная Твоя́ Богому́жно уясни́л еси́, и су́щым во аде Влады́ко, несть Свят, разве Тебе́, Го́споди, вызы́ающим.

**Припе́в:** Сла́ва Тебе́, Бо́же наш, сла́ва Тебе́.

Простёрл еси длани, и соединил еси древле разстоящаяся: одеянием же, Спасе, еже в плащанице и во гробе, окованныя разрешил еси, несть Свят, разве Тебе, Господи, взывающыя.

**Слава Отцу, и Сыну, и Святому Духу, и ныне и присно, и во веки веков. Аминь.**

Гробом и печатями, Невместиме, содержимъ был еси хотением: ибо силу Твою действы показал еси, богодейственно поющим: несть Свят, разве Тебе, Господи Человеколюбче.

**Хор: Катавасия: Тебе, на водах Повесившаго всю землю неодолимо, тварь видевши на Лобнем висима, ужасом многим содрогашеся, несть Свят, разве Тебе, Господи, взывающи.**

Господи, помилуй. (Трижды)

Слава Отцу и Сыну и Святому Духу, и ныне и присно и во веки веков. Аминь.

### Седален, глас 1

Гроб Твой, Спасе, воины стрегущи, мертви от облистания являшагося Ангела быша, проповедающе женам воскресение. Тебе славим тли Потребителя, Тебе припадаем воскресшему из гроба, и Единому Богу нашему.

### Песнь 4

**Хор: Ирмос: На Кресте Твое Божественное истощание провидя Аввакум, ужасся вопиаше: Ты сильных пресекл еси державу, Блаже, приобщался сущим во аде, яко Всесилен.**

**Припев: Слава Тебе, Боже наш, слава Тебе.**

**Чтец:** Седмый день днесъ освятил еси, егже древле благословил еси упокоением дел: преводиши бо всяческая и обновляеши, субботаствуя, Спасе мой, и назидая.

**Припев: Слава Тебе, Боже наш, слава Тебе.**

Силою лучшаго, победившаго Тебе, от плоти душа Твоя разделися: растерзаючи бо обоя узы, смерти и ада, Слове, державою Твоею.

**Слава Отцу, и Сыну, и Святому Духу, и ныне и присно, и во веки веков. Аминь.**

Ад, Слове, срет Тя огорчися, Человека зря обожена, уязвлена ранами, и Всесильнодетеля, Страшным же зраком погibe.

**Хор: Катавасия:** На Крестѣ Твое Божественное истощание провидя Аввакум, ужасся вопиаше: Ты сильных пресекл еси державу, Блаже, приобщался сущим во аде, яко Всесилен.

## Песнь 5

**Хор: Ирмос:** Богоявления Твоего, Христѣ, к нам милостивно бывшаго, Исаи́а Свет ви́дев Невечерний, из нощи утреневав взываше: воскреснут мертвии, и востанут сущии во гробѣх, и вси земнороднии возрадуются.

**Припев:** Сла́ва Тебе́, Бо́же наш, сла́ва Тебе́.

**Чтец:** Новотвориши земныя Создателю, перстен быв, и плащаница и гроб являют еже в Тебе́, Сло́ве, таинство: благообразный бо советник, Тебе́, рождшаго совет, образу́ет, в Тебе́ велелепно новотворящаго мя.

**Припев:** Сла́ва Тебе́, Бо́же наш, сла́ва Тебе́.

Смерти́ю смертно́е, погребением тленное прелага́еши, нетленно твориши бо, благолепно безсмертно творя́ пріятие: плоть бо Твоя́ истления не ви́де, Влады́ко, ниже́ душа́ Твоя́ во аде страннолепно оставлена бысть.

**Сла́ва Отцу́, и Сы́ну, и Свято́му Ду́ху, и ны́не и прісно, и во ве́ки веко́в. Ами́нь.**

Из Небра́чныя прошѣд, и прободѣн в ребра, Содетелю мой, из Нея́ соде́лал еси́ обновле́ние Ёви́но, Ада́м быв, усну́в па́че естества́ сном естѣственным, и жизнь воздв́игнув от сна и тлѣния́ яко Всесилен.

**Хор: Катавасия:** Богоявления Твоего, Христѣ, к нам милостивно бывшаго, Исаи́а Свет ви́дев Невечерний, из нощи утреневав взываше: воскреснут мертвии, и востанут сущии во гробѣх, и вси земнороднии возрадуются.

## Песнь 6

**Хор: Ирмос:** Я́т бысть, но не удержа́н в персех китовых Иона́: Твой бо о́браз нося, страда́вшаго, и погребѣ́нью да́вшагося, яко́ от черто́га от зве́ря изыде, приглаша́ше же кустодіи: храня́щим су́етная и ло́жная, мѣлость сию́ оста́вили естѣ.

**Припев:** Сла́ва Тебе́, Бо́же наш, сла́ва Тебе́.

**Чтец:** Би́ен был еси́, но не разделі́лся, еси́, Сло́ве, ея́же причасті́лся еси́ плоти́: а́ще бо и разори́ся Твой храм во вре́мя стра́сти, но и та́ко еди́н бе соста́в Бо́жества и плоти́ Твоея́. Во обо́их бо еди́н еси́ Сын, Сло́во Бо́жие, Бог и Чело́век.

**Припев:** Сла́ва Тебе́, Бо́же наш, сла́ва Тебе́.

**Ч**еловекоубийственно, но не богоубийственно бысть прегрешение Адамово: аще бо и пострада Твоя плоти перстное существо, но Божество безстрастно пребысть: тленное же Твое на нетление преложил еси, и нетленные жизни показал еси Источник воскресением.

**С**лава Отцу, и Сыну, и Святому Духу, и ныне и присно, и во веки веков. **А**минь.

**Ц**арствует ад, но не вечнует, над родом человеческим: Ты бо положся во гробе державне. Живоначальною дланию, смерти ключи развергл еси, и проповедал еси от века тамо спящим избавление неложное, быв Спасе мертвым Первенец.

**Хор: Катавасия: Я**т бысть, но не удержан в персех китовых Иона: Твой бо образ нося, страдавшего, и погребению давшего, яко от чертога от зверя изыде, приглашае же кустодии: хранящим суетная и ложная, милость сию оставили есте.

Господи, помилуй. **(Трижды)**

Слава Отцу и Сыну и Святому Духу, и ныне и присно и во веки веков. **А**минь.

### **Кондак, глас 6**

**Б**ездну заключивый, мертв зрится, и смиренною и плащаницею обвився, во гробе полагается яко смертный Безсмертный: жены же приидоша помазати Его миром, плачущия горько и вопиющия: сий суббота есть преблагословенная, в нейже Христос уснув воскреснет тридневен.

### **Икос**

**С**одержай вся на Кресте вознесся, и рыдает вся тварь, Того видящи нага висяща на древе, солнце лучи сокры, и звезды отложиша свет, земля же со многим страхом поколебася, и море побеже, и камение распадеся, гробы же мнози отверзошася, и телеса восташа святых мужей. Ад низу стенет, и иудее советуют оклеветати Христово Воскресение, жены же взывают: Сия суббота есть преблагословенная, в нейже Христос уснув воскреснет тридневен.

### **Песнь 7**

**Хор: Ирмос: Н**еизреченное чудо, в пещи Избавивый преподобных отроки из пламене, во гробе мертв бездыханен полагается, во спасение нас поющих: Избавителю Боже, благословен еси.

**Припев: С**лава Тебе, Боже наш, слава Тебе.

**Чтец:** Уязвися ад, в сердце приём Уязвеннаго копием в рёбра, и воздыхает огнём Божественным иждиваемъ, во спасение нас поющих: Избавителю Бóже, благословён еси́.

**Припев:** Сла́ва Тебе́, Бóже наш, сла́ва Тебе́.

**Богат** гроб, в себе́ бо приимъ яко спяща Содетеля, жизни Божественное сокровище показася, во спасение нас поющих: Избавителю Бóже, благословён еси́.

**Припев:** Сла́ва Тебе́, Бóже наш, сла́ва Тебе́.

**Законом** умерших еже во гробе положение, всех приёмлет жизнь, и сего́ источника показует востания, во спасение нас поющих: Избавителю Бóже, благословён еси́.

**Сла́ва Отцу́, и Сы́ну, и Свято́му Ду́ху, и ны́не и прісно, и во ве́ки веко́в. Ами́нь.**

**Едино** быше неразлучное, еже во аде, и во гробе, и во Едеме, Божество Христово, со Отцемъ и Ду́хом, во спасение нас поющих: Избавителю Бóже, благословён еси́.

**Хор: Катавасия:** Неизречённое чудо, в пещи́ Избавивый преподо́бныя о́троки из пла́мене, во гробе мертв бездыханен полага́ется, во спасение нас поющих: Избавителю Бóже, благословён еси́.

## Песнь 8

**Хор: Ирмос:** Ужасни́ся боя́йся не́бо, и да подви́жятся основа́ния земли́: се бо в мертвеце́х вменя́ется в Вы́шних живы́й, и во гроб мал странноприёмлется. Егóже о́троцы благослови́те, священни́цы воспóйте, лю́дие превозноси́те во вся ве́ки.

**Припев:** Сла́ва Тебе́, Бóже наш, сла́ва Тебе́.

**Чтец:** Разруши́ся Пречи́стый Храм, па́дшую же совозставляет ски́нию: Ада́му бо пёрвому Вто́рый, Ё́же в Вы́шних живы́й, снѣде да́же до а́довых сокрови́щ. Егóже о́троцы благослови́те, священни́цы воспóйте, лю́дие превозноси́те во вся ве́ки.

**Припев:** Сла́ва Тебе́, Бóже наш, сла́ва Тебе́.

**Преста** дерзость ученико́в, Аримафе́й же изря́дствует Ио́сиф: ме́ртва бо и на́га зря над все́ми Бо́га, про́сит и погреба́ет, зовы́й: о́троцы благослови́те, священни́цы воспóйте, лю́дие превозноси́те во вся ве́ки.

**Благослови́м Отца́, и Сы́на, и Свята́го Ду́ха, Го́спода, и ны́не и прісно, и во ве́ки веко́в. Ами́нь.**



О чудес новых! О благодати! О неизреченного терпения! Волею бо под землею печатлется, Иже в Вышних живый, и яко льстец, Бог оклеветается. Егоже отроцы благословите, священницы воспойте, людие превозносите во вся веки.

**Хвалим, благословим, поклоняемся Господеви, поюще и превозносяще во вся веки.**

**Хор: Катавасия: Ужаснися бойся небо, и да подвижатся основания земли: се бо в мертвех вменяется в Вышних живый, и во гроб мал странноприимлется. Егоже отроцы благословите, священницы воспойте, людие превозносите во вся веки.**

## Песнь 9

**Хор: Ирмос: Не рыдай Мене, Мати, зрящи во гробе, Егоже во чреве без семени зачала еси Сына: востану бо и прославлюся, и вознесу со славою непрестанно, яко Бог, верою и любовью Тя величающая.**

**Припев: Слава Тебе, Боже наш, слава Тебе.**

**Чтец: В** странном Твоем рождестве, болезней избежавши паче естества, ублажихся Безначальне Сыне: ныне же Ты, Боже Мой, бездыханна зрящи мертва, оружием печали растерзаюся люте, но воскресни, яко да возвеличуся.

**Припев: Слава Тебе, Боже наш, слава Тебе.**

Земля покрывает Мя хотяща, но устрашаются адовы вратницы, одяна видяще одеждою окровавленою Мати, отмщения: враги бо Крестом поразив яко Бог, воскресну паки, и возвеличу Тя.

**Слава Отцу, и Сыну, и Святому Духу, и ныне и присно, и во веки веков. Аминь.**

Да радуется тварь, да веселятся вси земнороднии, враг бо пленися ад: с мiры жены да сретают, Адама со Евою избавляю всеродна, и в третий день воскресну.

**Хор: Катавасия: Не рыдай Мене, Мати, зрящи во гробе, Егоже во чреве без семени зачала еси Сына: востану бо и прославлюся, и вознесу со славою непрестанно, яко Бог, верою и любовью Тя величающая.**

Святыи Боже, Святыи Крепкий, Святыи Безсмертный, помилуй нас.

**(Трижды, и три поклона)**

Слава Отцу, и Сыну, и Святому Духу, и ныне и присно, и во веки веков. **Аминь.**

Пресвятая Троице, помилуй нас: Господи, очисти грехи наша; Владыко, прости беззакония наша; Святыи, посети и исцели немощи наша, имене Твоего ради.

Господи, помилуй. **(Трижды)**

Слава Отцу, и Сыну, и Святому Духу, и ныне и присно, и во веки веков. **Аминь.**



О́тче наш, Иису́е еси́ на Небесѣхъ, да святѣтся ѡмя Твое́, да приидет Цѣрствие Твое́, да бѹдетъ воля Твоя́, яко на Небесѣхъ, и на землѣхъ. Хлебъ нашъ насущный даждь намъ днесь; и остави намъ долги́ наша, якоже и мы оставляемъ должникомъ нашимъ; и не введи́ нас во искушѣние, но избави́ нас отъ лукаваго.

[Яко́ Твое́ есть Цѣрство и си́ла и сла́ва во ве́ки. Ами́нь. (Мф. 6: 9-13)]

### Тро́парь, глас 2

Егда́ снизше́л еси́ к смѣрти, Животе́ Безсмѣртный, тогда́ адъ умертвилъ еси́ блиста́ниемъ Божества́; егда́ же и умерши́я отъ преисподнихъ воскресилъ еси́, вся́ Сѣлы Небѣсныя́ взыва́ху: Жизнода́вче, Христѣ́ Бо́же нашъ, сла́ва Тебе́.

Го́споди, поми́луй. (12 разъ)

Слава Отцу́ и Сыну́ и Святому́ Духу, и ны́не и присно́ и во ве́ки веко́в. Ами́нь.

Го́споди, поми́луй. (Трижды)

Господи́ благослови́.

### Отпу́ст

Господи́ Иису́се Христѣ́, Сыне́ Божий , моли́тв ради́ Пречи́стыя Твоея́ Ма́тере, преподо́бныхъ и богоносныхъ отецъ нашихъ и всехъ святы́хъ, поми́луй и спаси́ нас, яко́ Благъ и Человеколю́бецъ. Ами́нь.

Го́споди, поми́луй. (Трижды)

## ПАСХАЛЬНАЯ ЗАУТРЕНЯ

### Стихи́ра, глас 6

Воскресе́ние Твое́, Христѣ́ Спа́се, / А́нгели пою́тъ на небесѣхъ, / и насъ на землѣхъ сподо́би / чи́стымъ се́рдцемъ / Тебе́ сла́вити. (Трижды)

Моли́твами святы́хъ оте́цъ нашихъ, Го́споди Иису́се Христѣ́, Бо́же нашъ, поми́луй нас. Ами́нь.

### Тропарь, глас 5

Христосъ́ воскресе́ из ме́ртвыхъ, / сме́ртию смерть попра́в / и су́щимъ во гробѣхъ живо́тъ дарова́в. (Трижды)

Стихъ 1: Да́ воскресе́нетъ Богъ, и расто́чятся врази́ Его́, / и да бежа́тъ отъ Ли́ца Его́ ненави́дящии́ Его́.

Христосъ́ воскресе́ из ме́ртвыхъ, / сме́ртию смерть попра́в / и су́щимъ во гробѣхъ живо́тъ дарова́в.

**Стих 2:** Я́ко исче́зает дым, да исче́знут, / я́ко та́ет воск от лица́ огня́.

Хри́сто́с воскресе́ из ме́ртвых, / сме́ртию смерть попра́в / и су́щим во гробе́х живо́т дарова́в.

**Стих 3:** Та́ко да поги́бнут гре́шницы от Ли́ца Бо́жия, / а пра́ведницы да возвеселя́тся.

Хри́сто́с воскресе́ из ме́ртвых, / сме́ртию смерть попра́в / и су́щим во гробе́х живо́т дарова́в.

**Стих 4:** Сей день, егóже сотвори́ Госпо́дь, / возра́дуемся и возвесели́мся в онь.

Хри́сто́с воскресе́ из ме́ртвых, / сме́ртию смерть попра́в / и су́щим во гробе́х живо́т дарова́в.

Сла́ва Отцу́ и Сы́ну и Свято́му Ду́ху.

Хри́сто́с воскресе́ из ме́ртвых, / сме́ртию смерть попра́в / и су́щим во гробе́х живо́т дарова́в.

И ны́не и при́сно и во ве́ки веко́в. Ами́нь.

Хри́сто́с воскресе́ из ме́ртвых, / сме́ртию смерть попра́в / и су́щим во гробе́х живо́т дарова́в.

**И паки:**

Хри́сто́с воскресе́ из ме́ртвых, / сме́ртию смерть попра́в / и су́щим во гробе́х живо́т дарова́в.

Го́споди, поми́луй. (12 раз)

Сла́ва Отцу́, и Сы́ну, и Свято́му Ду́ху, и ны́не и при́сно, и во ве́ки веко́в. Ами́нь.

## КАНОН ПАСХИ

### Песнь 1

**Хор: Ирмо́с:** Воскресе́ния день, просвети́мся, лю́дие; Па́сха, Госпо́дня Па́сха: от сме́рти бо к жи́зни и от земли́ к Небеси́ Хри́сто́с Бог нас преведе́, побе́дную пою́щия.

**Припев:** Хри́сто́с воскресе́ из ме́ртвых.

Очи́стим чу́вствия, и у́зрим непристу́пным све́том Воскресе́ния Хри́ста блиста́ющая, и ра́дуйтесь реку́ща я́сно да услы́шим, побе́дную пою́ще.

**Припев:** Хри́сто́с воскресе́ из ме́ртвых.

Небеса́ у́бо досто́йно да веселя́тся, земля́ же да ра́дуется, да пра́зднует же мир, ви́димый же весь и неви́димый: Хри́сто́с бо воста́, весе́лие ве́чное.

**Хор: Катавасия: Воскресения день, просветимся, людие; Пасха, Господня Пасха: от смерти бо к жизни и от земли к Небеси Христос Бог нас преведе, победную поющия.**

**Таже:**

Христос воскресе из мертвых, / смертию смерть поправ / и сущим во гробех живот даровав. **(Трижды)**

Господи, помилуй. **(Трижды)**

Слава Отцу и Сыну и Святому Духу, и ныне и присно и во веки веков. **Аминь.**

### **Песнь 3**

**Хор: Ирмос: Приидите, пиво пием новое, не от камене неплодна чудодеемое, но нетления источник, из гроба одождивша Христа, в Немже утверждаемся.**

**Припев: Христос воскресе из мертвых.**

Ныне вся исполнися света, Небо же и земля, и преисподняя: да празднует убо вся тварь востание Христово, в Немже утверждается.

**Припев: Христос воскресе из мертвых.**

Вчера спогребохся Тебе, Христэ, совостаю днесь воскресшу Тебе, сраспинахся Тебе вчера, Сам мя спрослави, Спасе, во Царствии Твоём.

**Хор: Катавасия: Приидите, пиво пием новое, не от камене неплодна чудодеемое, но нетления источник, из гроба одождивша Христа, в Немже утверждаемся.**

**Таже:**

Христос воскресе из мертвых, / смертию смерть поправ / и сущим во гробех живот даровав. **(Трижды)**

Господи, помилуй. **(Трижды)**

Слава Отцу и Сыну и Святому Духу, и ныне и присно и во веки веков. **Аминь.**

### **Ипакой, глас 4**

Предварившия утро яже о Марии, и обретиши камень отвален от гроба, слышаху от Ангела: во свете присносущнем Сущаго с мертвыми что ищите, яко человека? Видите гробныя пелены, тецыте и миру проповедите, яко воста Господь, умертвивый смерть; яко есть Сын Бога, спасающего род человеческий.

## Песнь 4

**Хор: Ирмос:** На Божественной стражи богоглаголивый Аввакум да стáнет с нами и покажет светонóсна Ангела, ясно глаголюща: днесь спасéние мíру, я́ко воскресе Христóс, я́ко всесýлен.

**Припев:** Христóс воскресе из мёртвых.

Мужеский у́бо пол, я́ко развёрзый дéвственную утрóбу, явísя Христóс; я́ко человек же, А́гнец наречéся; непорóчен же, я́ко неvkýсен сквёрны, нáша Пáсха, и я́ко Бог ýстинен, совершён речéся.

**Припев:** Христóс воскресе из мёртвых.

Я́ко единолётный а́гнец, благословénный нам венéц Христóс, вóлею за всех заклáн бысть, Пáсха чистítельная, и пáки из грóба крáсное прáвды нам возсия Сóлнце.

**Припев:** Христóс воскресе из мёртвых.

Богоотéц у́бо Давíд пред сéнным ковчéгом скакáше играя, лю́дие же Бóжии святíи, образов сбытíе зряще, веселíмся божéственне, я́ко воскресе Христóс, я́ко всесýлен.

**Хор: Катавасия:** На Божественной стражи богоглаголивый Аввакум да стáнет с нами и покажет светонóсна Ангела, ясно глаголюща: днесь спасéние мíру, я́ко воскресе Христóс, я́ко всесýлен.

**Та́же:**

Христóс воскресе из мёртвых, / смёртию смерть поправ / и сýщим во гробéх живóт дарова́в. (Трижды)

Гóсподи, помíлуй. (Трижды)

Слава Отцу и Сыну и Святому Духу, и ныне и присно и во веки веков. Аминь.

## Песнь 5

**Хор: Ирмос:** У́тренюем у́треннюю глубокú, и вмéсто мíра песнь принесём Владýще, и Христá ўзрим, прáвды Сóлнце, всем жизнь возсия́ющая.

**Припев:** Христóс воскресе из мёртвых.

Безмёрное Твоё благоутрóбие áдовыми ўзами содержи́мии зряще, к свéту идя́ху, Христé, весéлыми нога́ми, Пáсху хваляще вéчную.

**Припев:** Христóс воскресе из мёртвых.

Пристúпим, свещенóснии, исходя́щу Христú из грóба я́ко Женихú, и спрáзднуим любопрáзднственными чíнми Пáсху Бóжию спасítельную.

**Хор: Катавасия:** Утренюем утреннюю глубокú, и вмести мiра песнь принесем Владыце, и Христа узрим, правды Сólнце, всем жизнь возсияюща.

**Таже:**

Христós воскресе из мёртвых, / смёртию смерть поправ / и сущим во гробéх живót даровáv. (Трижды)

Гóсподи, помíлуй. (Трижды)

Слава Отцу и Сыну и Святому Духу, и ныне и присно и во веки веков. Аминь.

### Песнь 6

**Хор: Ирмós:** Снизшёл есi в преиспóдня земли, и сокрушил есi вереи вéчныя, содержащия связанныя, Христé, и триднёвен, я́ко от кiта Ио́на, воскрёл есi от грóба.

**Припев:** Христós воскресе из мёртвых.

Сохранív цела зна́мения, Христé, воскрёл есi от грóба, ключи́ Дéвы не вредíвый в рождествé Твоём, и отвёрзл есi нам райския двéри.

**Припев:** Христós воскресе из мёртвых.

Спасе мой, живóе же и нежёртвенное заколénие, я́ко Бог Сам Себé волею привёд Отцú, совоскресил есi всерóднаго Ада́ма, воскрёл от грóба.

**Хор: Катавасия:** Снизшёл есi в преиспóдня земли, и сокрушил есi вереи вéчныя, содержащия связанныя, Христé, и триднёвен, я́ко от кiта Ио́на, воскрёл есi от грóба.

**Таже:**

Христós воскресе из мёртвых, / смёртию смерть поправ / и сущим во гробéх живót даровáv. (Трижды)

Гóсподи, помíлуй. (Трижды)

Слава Отцу и Сыну и Святому Духу, и ныне и присно и во веки веков. Аминь.

### Конда́к, глас 8

А́ще и во гроб снизшёл есi, Безсмёртне, но áдову разрушил есi си́лу и воскрёл есi, я́ко Победíteль, Христé Бóже, жена́м миронóсицам вещáвый: ра́дуйтеся, и Твои́м апóстолом мир да́руй, па́дшим пода́й воскресéние.

### И́кос

Е́же прёжде со́лнца Сólнце, заше́дшее иногда́ во гроб, предвари́ша ко úтру и́щущия я́ко дне миронóсицы дéвы, и другá ко друзéй вопия́ху: о други́ни, приидите, воня́ми пома́жем Тéло живонóсное и погребénное, плоть Воскресíвшего па́дшаго

Адама, лежащую во гробе. Идем, потщимся, якоже волсви, и поклонимся, и принесем мира яко дары, не в пеленах, но в плащанице обвитому, и плачим, и возопиим: о Владыко, востани, падшим подай воскресение.

**Таже:**

Воскресение Христово видевше, поклонимся Святому Господу Иисусу, единому Безгрешному. Кресту Твоему поклоняемся, Христе, и святое Воскресение Твое поем и славим: Ты бо еси Бог наш, разве Тебе иного не знаем, имя Твое именуем. Приидите, вси вернии, поклонимся святому Христову Воскресению: се бо прииде Крестом радость всему миру. Всегда благословяще Господа, поем Воскресение Его: распятие бо претерпев, смертью смерть разруши. **(Трижды)**

Воскрес Иисус от гроба, якоже прорече, даде нам живот вечный и велию милость. **(Трижды)**

## Песнь 7

**Хор: Ирмос:** **О**троки от пещи избавивый, быв Человек, страждет яко смертен, и Страстию смертное в нетления облачит благолепие, един благословен отецв Бог и препрославлен.

**Припев:** Христос воскрес из мертвых.

Жены с мира богомудрыя в след Тебе течаху, Егоже яко мертва со слезами искаху, поклонившася радующияся Живоу Богу и Пасху тайную Твоим, Христе, учеником благовестивша.

**Припев:** Христос воскрес из мертвых.

Смерти празднуем умерщвление, адово разрушение, иного жития вечного начало, и играюще поем Виновного, единого благословенного отецв Бога и препрославленного.

**Припев:** Христос воскрес из мертвых.

Яко воистину священная и всепразднственная сия спасительная ночь, и светозарная, светоносного дне востания сущи провозвестница: в нейже безлётный Свет из гроба плотики всем возсия.

**Хор: Катавасия:** **О**троки от пещи избавивый, быв Человек, страждет яко смертен, и Страстию смертное в нетления облачит благолепие, един благословен отецв Бог и препрославлен.

**Таже:**

Христос воскрес из мертвых, / смертью смерть поправ / и сущим во гробех живот даровав. **(Трижды)**

Господи, помилуй. **(Трижды)**

Слава Отцу и Сыну и Святому Духу, и ныне и присно и во веки веков. **Аминь.**

## Песнь 8

**Хор: Ирмос:** Сей нареченный и святы́й день, еди́н суббо́т царь и госпо́дь, пра́здников пра́здник и торже́ство е́сть торже́ств: во́ньже благосло́вим Христа́ во ве́ки.

**Припев:** Христос воскресе из мертвых.

Приидите, новаго винограда рождения, Божественного веселия, в нарочитом дни Воскресения, Царствия Христова приобщимся, поюще Его́ яко Бога во веки.

**Припев:** Христос воскресе из мертвых.

Возведи́ окрест очи твои́, Си́оне, и виждь: се́ бо приидо́ша к тебе́, яко богосвѣтлая свети́ла, от запа́да, и се́вера, и мо́ря, и восто́ка ча́да тво́я, в тебе́ благословя́щая Христа́ во ве́ки.

**Припев:** Пресвята́я Тро́ице, Бо́же наш, сла́ва Тебе́.

О́тче Вседержи́телю, и Сло́ве, и Ду́ше, тремі́ соединя́емое во Ипоста́сех Естество́, Пресу́щественне и Пребоже́ственне, в Тя кресті́хомся и Тя благосло́вим во вся ве́ки.

**Хор: Катавасия:** Сей нареченный и святы́й день, еди́н суббо́т царь и госпо́дь, пра́здников пра́здник и торже́ство е́сть торже́ств: во́ньже благосло́вим Христа́ во ве́ки.

## Та́же:

Христос воскресе из мертвых, / смѣртию смерть попра́в / и су́щим во гробѣх живо́т дарова́в. (Трижды)

Го́споди, поми́луй. (Трижды)

Слава Отцу и Сыну и Святому Духу, и ныне и присно и во веки веков. Аминь.

## Припев:

**Вели́чит душа́ моя́ воскреса́ющего тридне́вно от гроба́, Христа́ Жизнода́вца.**

## Песнь 9

**Хор: Ирмос:** Свети́ся, свети́ся, но́вый Иерусали́ме: сла́ва бо Госпо́дня на тебе́ возсия́. Ликуй ны́не и весели́ся, Си́оне. Ты же, Чи́стая, красуйся, Богоро́дице, о воста́нии Рожде́ства Твоего́.

**Припев:** Христос но́вая Па́сха, же́ртва жива́я, А́гнец Бо́жий, вземля́й грехи́ ми́ра.

О Божественного, о любезного, о сладчайшего Твоего́ гла́са! С на́ми бо неложно обеща́лся еси́ бы́ти до сконча́ния ве́ка, Христэ́: Его́же, ве́рнии, утвержде́ние наде́жды иму́ще, раду́емся.

**Припев:** А́нгел вопия́ше Благода́тней: Чи́стая Де́во, раду́йся! И па́ки реку́: раду́йся! Твой Сын воскресе́ тридне́вен от гроба́, и ме́ртвыя воздви́гнувый: лю́дие, весели́тесь.



О Пасха велия и священнейшая, Христэ! О мудросте, и Слове Божий, и сіло! Подавай нам истее Тебе причащаться в невечернем дни Царствия Твоего.

**Хор: Катавасия: Светіся, светіся, нѡвый Иерусалиме: слава бо Господня на тебѣ возсія. Ликуй ныне и веселися, Сионе. Ты же, Чистая, красуйся, Богородице, о востании Рождества Твоего.**

**Таже:**

Христос воскрес из мертвых, / смертию смерть поправ / и сущим во гробех живот даровав. **(Трижды)**

Господи, помилуй. **(Трижды)**

Слава Отцу и Сыну и Святому Духу, и ныне и присно и во веки веков. **Аминь.**

**Ексапостиларий:**

Плотию уснуv, яко мертв, Царю и Господи, тридневен воскресл еси, Адама воздвиг от тли, и упразднил смерть: Пасха нетления, мира спасение. **(Трижды)**

**Стихиры Пасхи, глас 5:**

**Стих: Да воскреснет Бог, и расточатся врази Его.**

Пасха священная нам днесь показася: Пасха нова святая, Пасха таинственная, Пасха всечестная, Пасха, Христос Избавитель, Пасха непорочная, Пасха великая, Пасха верных, Пасха, двери райския нам отверзающая, Пасха, всех освящающая верных.

**Стих: Яко исчезает дым, да исчезнут.**

Приидите от видения, жены благовестницы, и Сиону рците: примите от нас радости благовещения Воскресения Христова; красуйся, ликуй и радуйся, Иерусалиме, Царя Христа узрев, из гроба, яко Жениха, происходяща.

**Стих: Тако да погибнут грешницы от лица Божия, а праведницы да возвеселятся.**

Мирносицы жены, утро глубоку, представша гробу Живодавца, обретоша Ангела, на камени сядша, и той, провещав им, сие глаголаше: что ищите Живаго с мертвыми? Что плачете Нетленного во тли? Шедше, проповедите учеником Его.

**Стих: Сей день, егже сотвори Господь, возрадуемся и возвеселимся вонь.**

Пасха красная, Пасха, Господня Пасха, Пасха всечестная нам возсия. Пасха, радостью друг друга обьемем. О Пасха! Избавление скорби, ибо из гроба днесь, яко от чертога возсияв, Христос жены радости исполни, глаголя: проповедите апостолом.

**Слава Отцу и Сыну и Святому Духу, и ныне и присно и во веки веков.**

**Аминь.**

Воскресения день, и просветимся торжеством, и друг друга обьемем; рцем: братие, и ненавидящим нас простим вся Воскресением, и тако возопиим: Христос воскрес из мертвых, смертию смерть поправ и сущим во гробех живот даровав.

**Таже:**

**Христос** воскресе из мертвых, смертию смерть поправ и сущим во гробех живот даровав. (Трижды)

## **ОГЛАСИТЕЛЬНОЕ СЛОВО СВТ. ИОАННА ЗЛАТОУСТА.**

**Иже во святых отца нашего Иоанна,  
Архиепископа Константинопольскаго, Златоустаго,  
слово Огласительное во святой и светоносный день  
преславнаго и спасительнаго Христа Бога нашего  
Воскресения.**

**Чтец:** Аще кто благочестив и боголюбив, да насладится сего добраго и светлаго торжества. Аще кто раб благоразумный, да внидет радуясь в радость Господа своего. Аще кто потрудися постясь, да восприимет ныне динарий. Аще кто от перваго часа делал есть, да приимет днесь праведный долг. Аще кто по третием часе прииде, благодаря да празднует. Аще кто по шестом часе достиже, ничтоже да сумнится, ибо ничимже отщетевается. Аще кто лишися и девятого часа, да приступит, ничтоже сумняся, бояся. Аще кто точно достиже, и во единонадесятый час, да не уstraшитсЯ замедления: любочестив бо Сый Владыка, приимлет послѣдняго якоже и перваго: упокоевает в единонадесятый час пришедшаго, якоже делавшаго от перваго часа. И послѣдняго милует, и первому угождает, и оному дает, и сему дарствует, и дела приимлет, и намерение целует, и деяние почитает, и предложѣние хвалит. Темже убо внидите вси в радость Господа своего: и первии и втории, мзду примите. Богатии и убозии, друг со другом ликуйте. Воздержницы и ленивии, день почитите. Постившиися и непостившиися, возвеселитесь днесь. Трапѣза исполнена, насладитесь вси. Телец упитанный, никтоже да изыдет алчай, вси насладитесь пира веры: вси восприимите богатство благодати. Никтоже да рыдает убожества, явися бо общее Царство. Никтоже да плачет прегрешений, прощѣние бо от гроба возсия. Никтоже да убойтсЯ смерти, свободи бо нас Спасова смерть. Угаси ю, Иже от нея держимый. Плені ада, Сошедый во ад. Огорчи его вкусивша плоти Его. И сие предприимый ИсаиА возопи: ад, глаголет, огорчися, срет Тя доле. Огорчися, ибо упразднися. Огорчися, ибо поруган бысть. Огорчися, ибо умертвися. Огорчися, ибо низложися. Огорчися, ибо связася. Прият тело, и Богу приразися. Прият землю, и срете Небо. Прият еже видяше, и впадѣ во еже не видяше. Где твоѣ, смерти, жало; где твоя, аде, победа? Воскресе Христос, и ты низверглся еси. Воскресе Христос, и падоша демони. Воскресе Христос, и радуются Ангели. Воскресе Христос, и жизнь

жительствоует. Воскресе Христос, и мертвый ни один во гробе. Христос бо востав от мертвых, Начаток усопших бысть. Тому слава и держава, во веки веков. Аминь.

### Тропарь святого Иоанна, глас 8

**Хор:** Уст твоих, якоже светлость огня / возсиявши, благодать вселенную просвети: / не сребролюбия миру сокровища сниска, / высоту нам смиреномудрия показа, / но твоими словесы наказуя, отче Иоанне Златоусте, / моли Слова, Христа Бога, спастися душам нашим.

**Чтец:** Господи, помилуй. (40 раз)

Слава Отцу, и Сыну, и Святому Духу, и ныне и присно, и во веки веков. Аминь.

Утверди, Боже, святую православную веру православных христиан во век века.

Христос воскрес из мертвых, смертию смерть поправ и сущим во гробех живот даровав. (Трижды)

### Отпуст

Христэ, воскресый из мертвых, смертию смерть поправый и сущим во гробех живот даровавый, истинный Боже наш, молитвами Пречистой Твоей Матере и всех святых, помилуй и спаси нас, яко Благ и Человеколюбец. Аминь.

**Христос Воскресе! Воистину Воскресе!**

**Хор:** Христос воскрес из мертвых, смертию смерть поправ и сущим во гробех живот даровав. (Трижды)

И нам дарова живот вечный, покланяемся Его тридневному Воскресению.

Великаго господина и отца нашего Кирилла, / Святейшаго Патриарха Московскаго и всея Руси, / и господина нашего высокопреосвященнейшаго Павла, / митрополита Ханты-Мансийского и Сургутского, / настоятеля, братию и прихожан святого храма сего, / и вся православныя христиане, / Господи, сохрани их на многая лета.

### Таже:

Христос воскрес из мертвых, смертию смерть поправ и сущим во гробех живот даровав. (Трижды)

## ЧАСЫ ПАСХИ

Молитвами святых отец наших, Господи Иисусе Христэ Боже наш, помилуй нас. Аминь.

### Тропарь, глас 5

Христос воскрес из мертвых, смертию смерть поправ и сущим во гробех живот даровав. (Трижды)

Воскресѣние Христово видевше, поклонимся Святому Господу Иисусу, единому Безгрѣшному. Кресту Твоему поклоняемся, Христѣ, и святое Воскресѣние Твое поем и славим: Ты бо еси Бог наш, разве Тебѣ иного не знаем, имя Твое именуем. Приидите, вси вернии, поклонимся святому Христову Воскресѣнию: се бо прииде Крестом радость всему миру. Всегда благословяще Господа, поем Воскресѣние Его: распятие бо претерпѣв, смертию смерть разруши. (Трижды)

#### Ипакоѣ, глас 4

Предварившия утро яже о Маріи, и обрѣтшия камень отвален от гроба, слышаху от Ангела: во свете присносущнем Сущаго с мертвыми что ищете, яко человека? Видите гробныя пелены, тецыте и миру проповѣдите, яко воста Господь, умертвивый смерть; яко есть Сын Бога, спасающаго род человеческий.

#### Кондак, глас 8

Аще и во гроб снизшел еси, Безсмертне, но адову разрушил еси силу и воскрел еси яко Победитель, Христѣ Бже, женам мироносицам вещавый: радуйтеся, и Твоим апостолом мир даруй, падшим подай воскресѣние.

Во гробе плоти, во аде же с душею яко Бог, в рай же с разбойником, и на Престоле был еси, Христѣ, со Отцем и Духом, вся исполняя, Неописанный.

Слава Отцу, и Сыну, и Святому Духу.

Яко живоносец, яко рай краснейший, воистину и чертога всякаго царскаго показася светлейший, Христѣ, гроб Твой, источник нашего воскресѣния.

И ныне и присно, и во веки веков. Аминь.

Вышняго освященное Божественное селение, радуйся. Тобою бо дадеся радость, Богородице, зовущим: благословенна Ты в женах еси, всенепорочная Владычице.

Господи, помилуй. (40 раз)

Слава Отцу, и Сыну, и Святому Духу, и ныне и присно, и во веки веков. Аминь.

Честнейшую Херувим и славнейшую без сравнения Серафим, без ислѣния Бога Слова рождшую, сущую Богородицу Тя величаем.

Молитвами святых отец наших, Господи Иисусе Христѣ Бже наш, помилуй нас. Аминь.

Христос воскресе из мертвых, смертию смерть поправ и сущим во гробех живот даровав. (Трижды)

Господи, помилуй. (Трижды)

Слава Отцу и Сыну и Святому Духу, и ныне и присно и во веки веков. Аминь.

#### Отпуст

Воскресый из мертвых, Христѣ, истинный Бже наш, молитвами Пречистыя Твоея Матере, преподобных и богоносных отец наших и всех святых, помилуй и спаси нас, яко Благ и Человеколюбец. Аминь.

Христос Воскресе! Воистину Воскресе!

## ЧИНОПОСЛЕДОВАНИЕ ОБЕДНИЦЫ

Христос воскресе из мёртвых, смёртию смерть поправ / и сущим во гробех живót даровав. (Трижды)

**Стих 1:** Да воскреснет Бог, и расточатся врази Его, / и да бежат от Лица Его ненавидящие Его.

Христос воскресе из мёртвых, / смёртию смерть поправ / и сущим во гробех живót даровав.

**Стих 2:** Яко исчезает дым, да исчезнут, / яко тает воск от лица огня.

Христос воскресе из мёртвых, / смёртию смерть поправ / и сущим во гробех живót даровав.

**Стих 3:** Тако да погібнут грешницы от Лица Божия, / а праведницы да возвеселятся.

Христос воскресе из мёртвых, / смёртию смерть поправ / и сущим во гробех живót даровав.

**Стих 4:** Сей день, егóже сотвори Господь, / возрадуемся и возвеселимся в онь.

Христос воскресе из мёртвых, / смёртию смерть поправ / и сущим во гробех живót даровав.

Слава Отцú и Сыну и Святому Дúху.

Христос воскресе из мёртвых, / смёртию смерть поправ / и сущим во гробех живót даровав.

И ныне и присно и во веки веков. Аминь.

Христос воскресе из мёртвых, / смёртию смерть поправ / и сущим во гробех живót даровав.

### Антифон первый

**Стих 1:** Воскликните Господеви вся земля.

**Припев:** Молитвами Богородицы, Спасе спаси нас.

**Тóйже стих:** Воскликните Господеви вся земля, пойте же имени Его, дадите славу хвалё Его.

**Припев:** Молитвами Богородицы, Спасе спаси нас.

**Стих 2:** Рцыте Богу: коль страшна дела Твоя, во множестве силы Твоея солжут Тебе врази Твой.

**Припев:** Молитвами Богородицы, Спасе спаси нас.

**Стих 3:** Вся земля да поклонится Тебе, и поёт Тебе, да поёт же имени Твоему Вышний.

**Припев:** Молитвами Богородицы, Спасе спаси нас.

Слава Отцú и Сыну и Святому Дúху, и ныне и присно и во веки веков. Аминь.

**Припев:** Молитвами Богородицы, Спасе спаси нас.

## Антифон второй

**Стих 1:** Бóже ущéдри ны и благословí ны.

**Припев:** Спасí ны, Сы́не Бóжий, воскресýй из мёртвых, пою́щия Ти: Аллилу́иа.

**То́йже стих:** Бóже, ущéдри ны и благословí ны, просвети лице Твое́ на ны и помíлуй ны.

**Припев:** Спасí ны, Сы́не Бóжий, воскресýй из мёртвых, пою́щия Ти: Аллилу́иа.

**Стих 2:** Да позна́ем на землí путь Твой, во всех язы́цах спасéние Твое́.

**Припев:** Спасí ны, Сы́не Бóжий, воскресýй из мёртвых, пою́щия Ти: Аллилу́иа.  
Единожды.

**Стих 3:** Да исповéдятся Тебé лю́дие, Бóже, да исповéдятся Тебé лю́дие вси.

**Припев:** Спасí ны, Сы́не Бóжий, воскресýй из мёртвых, пою́щия Ти: Аллилу́иа.  
Единожды.

Сла́ва Отцу́ и Сы́ну и Свято́му Ду́ху, и ны́не и прíсно и во ве́ки веко́в. Ами́нь.

## «Единородный Сыне»

**Хор:** Единоро́дный Сы́не, и Сло́ве Бóжий, Безсме́ртен Сый, и изво́ливый спасéния на́шего ра́ди воплотíтися от Святы́я Богоро́дицы и Присноде́вы Ма́рии, непрело́жно вочелове́чивыйся, распный́ся же, Христé Бóже, сме́ртию смерть попра́вый, еди́н Сый Святы́я Тро́ицы, прославля́емый Отцу́ и Свято́му Ду́ху, спасí нас.

## Антифон третий

**Стих 1:** Да воскрэ́снет Бог и расточа́тся врази́ Его́.

Христóс воскрэ́се из мёртвых, сме́ртию смерть попра́в и сущим во гробéх живо́т дарова́в.

**То́йже стих:** Да воскрэ́снет Бог и расточа́тся врази́ Его́, и да бежа́т от лица́ Его́ ненави́дящия Его́.

Христóс воскрэ́се из мёртвых, сме́ртию смерть попра́в и сущим во гробéх живо́т дарова́в.

**Стих 2:** Я́ко исче́зает дым, да исче́знут, я́ко та́ет воск от лица́ огня́.

Христóс воскрэ́се из мёртвых, сме́ртию смерть попра́в и сущим во гробéх живо́т дарова́в.

**Стих 3:** Та́ко да поги́бнут грéшницы от лица́ Бóжия, а пра́ведницы да возвеселя́тся, да возра́дуются пред Бо́гом.

Христóс воскрэ́се из мёртвых, сме́ртию смерть попра́в и сущим во гробéх живо́т дарова́в.

## Ипако́й, глас 4

Предварíвшия ўтро́ яже о Ма́рии, и обрéтшия ка́мень отвален́ от грóба, слы́шаху от А́нгела: во све́те присносу́щем Су́щаго с мёртвыми́ что и́щете, я́ко челове́ка? Ви́дите грóбныя пелены́, тецы́те и ми́ру проповéдите, я́ко воста́ Госпо́дь, умертвívый смерть; я́ко есть Сын Бо́га, спаса́ющаго род челове́ческий.

Сла́ва Отцу́, и Сы́ну, и Свято́му Ду́ху, и ны́не и прѣсно, и во ве́ки веко́в. Ами́нь.

### Конда́к, глас 8

А́ще и во гробъ снизше́л еси́, Безсме́ртне, но а́дову разруши́л еси́ си́лу и воскресе́л еси́ я́ко Победите́ль, Христе́ Бо́же, жена́м миронóсицамъ веща́вый: ра́дуйтеся, и Твои́м апо́столомъ мир да́руй, па́дшимъ пода́й воскресе́ние.

### АПОСТОЛ

**Чтец: Прокімен, глас 8:** Сей день, егóже сотвори́ Господь, возра́дуемся и возвесели́мся вонь.

**Хор:** Спаси́, Го́споди, лю́ди Твоя́ / и благослови́ досто́яние Твое́.

**Чтец: Стих:** Испове́дайтесь Го́сподеви, я́ко благ, я́ко в векъ ми́лость Его́.

**Хор:** Спаси́, Го́споди, лю́ди Твоя́ / и благослови́ досто́яние Твое́.

**Чтец:** Сей день, егóже сотвори́ Господь

**Хор:** Возра́дуемся и возвесели́мся вонь.

**Чтец:** Де́яний святы́х апостолъ чте́ние

### Де́яния святы́х Апостолъ, за́чало 1:

Пе́рвое у́бо сло́во сотвори́хъ о́ всехъ, о́ Фео́филе, я́же нача́т Иису́с твори́ти же и учи́ти. Да́же до дне, во́ньже, запове́давъ Апо́столомъ Ду́хомъ Святы́мъ, ихже избра́, вознесе́ся. Предъ ни́миже и поста́ви Себе́ жи́ва по страда́нии Сво́емъ, во мно́зехъ [и́стинныхъ] зна́мениихъ, де́ньми четы́редеся́тми явля́ясь имъ, и глаго́ля я́же о́ Ца́рствии Бо́жии: С ни́миже и яды́й, повеле́ имъ отъ Иерусали́ма не отлуча́тися, но жда́ти обетова́ния О́тца, е́же слы́шасте отъ Мене́: я́ко Иоа́нн у́бо крести́л е́сть водо́ю, вы же има́те крести́тися Ду́хомъ Святы́мъ, не по мно́зехъ сихъ днехъ. Онѣ́ же у́бо соше́дшеся, вопроша́ху Его́, глаго́люще: Го́споди, а́ще в ле́то сие́ устро́еши ца́рствие Изра́илево? Рече́ же к нимъ: несть ва́ше разуме́ти време́на и ле́та, я́же Оте́цъ положи́ во Сво́ей вла́сти: Но при́имете си́лу, наше́дшу Свято́му Ду́ху на вы, и бу́дете Ми свиде́тели во Иерусали́ме же и во все́й Иуде́и и Самаріи, и да́же до послѣ́днихъ землі́.

**По оконча́нии чте́ния Апосто́ла:**

**Чтец:** Аллилу́ия, аллилу́ия, аллилу́ия.

**Хор:** Аллилу́ия, аллилу́ия, аллилу́ия.

**Чтец:** Ты́ воскресе́, ущѣ́дриши Си́она.

**Хор:** Аллилу́ия, аллилу́ия, аллилу́ия.

**Чтец:** Господьъ с небесе́ на зе́млю при́зрэ.

**Хор:** Аллилу́ия, аллилу́ия, аллилу́ия.

### ЕВАНГЕЛИЕ

**Хор:** Го́споди, поми́луй. (Трижды)

**Чтец:** Отъ Иоа́нна свята́го Ева́нгелия чте́ние.

**Хор:** Сла́ва Тебе́, Го́споди, сла́ва Тебе́.



## Евангелие от Иоанна, зачало 1

**В** нача́ле бе Сло́во, и Сло́во бе к Бо́гу, и Бог бе Сло́во. Сей бе искони́ к Бо́гу. Вся Тем бы́ша, и без Него́ ничто́же бысть, е́же бысть. В Том живо́т бе, и живо́т бе свет челове́ком. И свет во тьме свѣтится, и тьма его́ не объят. Бысть челове́к по́слан от Бо́га, имя́ ему́ Иоа́нн. Сей при́иде во свидѣтельство, да свидѣтельству́ет о Свѣте, да вси ве́ру има́ют Ему́. Не бе той свет, но да свидѣтельству́ет о Свѣте. Бе Свет и́стинный, И́же просвѣща́ет вся́каго челове́ка грядúщаго в мир. В ми́ре бе, и мир Тем бысть, и мир Его́ не позна́. Во своя́ при́иде, и свой Его́ не прия́ша. Ели́цы же прия́ша Его́, даде́ им о́бласть ча́дом Бо́жиим бы́ти, ве́рующим во имя́ Его́. И́же не от кро́ве, ни от по́хоти плотскы́я, ни от по́хоти му́жеския, но от Бо́га роди́шася. И Сло́во плоть бысть, и всели́ся в ны, и ви́дехом сла́ву Его́, сла́ву я́ко Единоро́днаго от Отца́, испо́лнь благода́ти и и́стины. Иоа́нн свидѣтельству́ет о Нем и воззва́, глаго́ля: Сей бе, Его́же рех, И́же по мне Гряды́й, пре́до мно́ю бысть, я́ко пе́рвее мене́ бе. И от исполне́ния Его́ мы вси прия́хом, и благода́ть воз благода́ть: Я́ко за́кон Моисе́ом дан бысть, благода́ть же и и́стина Иису́с Хри́стом бысть.

**По окончании чтения Хор:** Сла́ва Тебе́, Го́споди, сла́ва Тебе́.

**Чтец:** Помяни́ нас, Го́споди, егда́ при́идеши во Ца́рствии Твоём.

Помяни́ нас, Влады́ко, егда́ при́идеши во Ца́рствии Твоём.

Помяни́ нас, Святы́й, егда́ при́идеши во Ца́рствии Твоём.

**Лик Небе́сный** поет Тя и глаго́лет: Свят, Свят, Свят Го́сподь Савао́ф, испо́лнь Не́бо и земля́ сла́вы Твоея́.

**Стих:** Приступите́ к Нему́ и просвети́теся, и лица́ ва́ша не посты́дятся.

**Лик Небе́сный** поет Тя и глаго́лет: Свят, Свят, Свят Го́сподь Савао́ф, испо́лнь Не́бо и земля́ сла́вы Твоея́.

Сла́ва Отцу́, и Сы́ну, и Свято́му Ду́ху.

**Лик святы́х** А́нгел и Арха́нгел со все́ми Небе́сными Си́лами поёт Тя и глаго́лет: Свят, Свят, Свят Го́сподь Савао́ф, испо́лнь Не́бо и земля́ сла́вы Твоея́.

**Чтец:** И ны́не и прѣ́сно, и во ве́ки веко́в. Ами́нь.

**Поют всена́родно:** Ве́рую во еди́наго Бо́га Отца́, Вседержи́теля, Творца́ Не́бу и землі́, ви́димым же всем и неви́димым. И во еди́наго Го́спода Иису́са Христа́, Сы́на Бо́жия, Единоро́днаго, И́же от Отца́ рождѣ́ннаго пре́жде всех век; Све́та от Све́та, Бо́га и́стинна от Бо́га и́стинна, рождѣ́нна, несотворѣ́нна, единосущна́ Отцу́, Имже́ вся бы́ша. Нас ра́ди челове́к и на́шего ра́ди спасе́ния сше́дшаго с Небе́с, и воплоти́вшагося от Ду́ха Свя́та и Мари́и Де́вы, и вочелове́чшася. Распя́таго же за ны́ при Понти́йстем Пила́те, и страда́вша, и погребѣ́нна. И воскресе́шаго в тре́тий день, по Писа́нием. И возше́дшаго на Небеса́, и сяду́ща одесну́ю Отца́. И па́ки гряду́щаго со сла́вою суди́ти живы́м и ме́ртвым, Его́же Ца́рствию не бу́дет конца́. И в Ду́ха Свята́го, Го́спода, Животворя́щаго, И́же от Отца́ исходя́щаго, И́же со Отце́м и Сы́ном спокланя́ема и ссла́вима, глаго́лавшаго проро́ки. Во еди́ну Святу́ю, Собо́рную и Апосто́льскую

Цѣрковь. Исповѣдую еди́но Крещѣние во оставлѣние греховъ. Чаю воскресѣнія мѣртвых, и жи́зни бѹдущаго вѣка. **Ами́нь.**

**Чтец:** Осла́би, оста́ви, прости́, Бо́же, прегрѣшѣния на́ша, во́льная и нево́льная, я́же в сло́ве и в де́ле, я́же в ве́дении и не в ве́дении, я́же во днѣ и в но́щи, я́же во уме́ и в помышлѣнии: вся нам прости́, я́ко Благ и Человеколю́бец.

**Поют всенародно:** О́тче наш, Ё́же еси́ на Небесѣх, да святѣ́тся и́мя Твое́, да прии́дет Ца́рствие Твое́, да бѹдет во́ля Твоя́, я́ко на Небесѣ́х, и на землѣ́х. Хлеб наш насѹщный даждь нам днесь; и оста́ви нам до́лги на́ша, я́коже и мы оставля́ем должнико́м на́шим; и не введи́ нас во искуше́ние, но изба́ви нас от лука́ваго.

**Чтец:** [Я́ко Твое́ есть Ца́рство и си́ла и сла́ва во ве́ки. **Ами́нь.** (Мф. 6: 9-13)]

### Кондак, глас 8

А́ще и во гробъ снизше́л еси́, Безсме́ртне, но а́дову разруши́л еси́ си́лу и воскрѣ́сл еси́ я́ко Победѣ́тель, Христѣ́ Бо́же, жена́м мироноси́цам веща́вый: ра́дуйтесь, и Твои́м апо́столом мир да́руй, па́дшим пода́й воскресе́ние.

Сла́ва Отцѹ́, и Сы́ну, и Свято́му Ду́ху, и ны́не и прѣ́сно, и во ве́ки веко́в. **Ами́нь.**

Вы́шняго освяще́нное Божѣ́ственное селѣ́ние, ра́дуйся. Тобо́ю бо даде́ся ра́дость, Богоро́дице, зовѹ́щим: благослове́нна Ты в жена́х еси́, всенепоро́чная Влады́чице.

Го́споди, поми́луй. (40 раз)

### И молитву:

Всесвята́я Тро́ице, Единосу́щная Держа́во, Неразде́льное Ца́рство, всех благѣ́х Вина́, благово́ли же и о мне грѣ́шнем, утверди́, вразуми́ се́рдце моѐ, и всю мою́ отыми́ скве́рну, просвети́ мою́ мысль, да вы́ну сла́влю, пою́, покланя́юся и глаго́лю: Еди́н Свят, Еди́н Господь, Иису́с Христос, во сла́ву Бо́га Отца́. **Ами́нь.**

Христосъ воскресе́ из мѣртвых, сме́ртию смерть попра́в и сѹ́щим во гробѣ́х живо́т дарова́в. (Трижды)

А́нгел вопия́ше Благода́тней: Чи́стая Де́во, ра́дуйся! И па́ки рекѹ́: ра́дуйся! Твой Сынъ воскресе́ тридне́вен от гроба́, и мѣртвыя воздви́гнувый: лю́дие, весели́тесь.

Свети́ся, свети́ся, но́вый Иерусали́ме: сла́ва бо Господня́ на тебѣ́ возсия́. Ликѹ́й ны́не и весели́ся, Сио́не. Ты же, Чи́стая, красѹ́йся, Богоро́дице, о воста́нии Рожде́ства Твоего́.

**Хор:** Сла́ва Отцѹ́, и Сы́ну, и Свято́му Ду́ху, и ны́не и прѣ́сно, и во ве́ки веко́в. **Ами́нь.**

Го́споди, поми́луй. (Трижды)

Господи́ благослови́.

### Отпѹст

Христѣ́, воскреси́й из мѣртвых, сме́ртию смерть попра́вый и сѹ́щим во гробѣ́х живо́т дарова́вый, и́стинный Бо́же наш, моли́твами Пречи́стыя Твоея́ Ма́тере и всех святы́х, поми́луй и спаси́ нас, я́ко Благ и Человеколю́бец. **Ами́нь.**

**Христос Воскресе! Воистину Воскресе!**

**Христос** воскресе из мёртвых, смёртию смерть поправ и сущим во гробех живот даровав. **(Трижды)**

**И** нам дарова живот вечный, покланяемся Егó триднёвному Воскресению.

**Хор:** Великаго господина и отца нашего Кирилла, / Святэйшаго Патриарха Московскаго и всея Руси, / и господина нашего высокопреосвящённейшаго Павла, / митрополита Ханты-Мансийского и Сургутского, / настоятеля, бранию и прихожан святаго храма сего, / и вся православныя христианы, / Господи, сохрани их на многая лета.

**КОНЕЦ И БОГУ СЛАВА.**